



Senin, 09 September 2024

Ogen: Lukas 12:15



Ula Merangap



Manusia eme makhluk jasmani-rohani si nggeluh i bas dunia materi. Materi eme faktor dasar kegeluhen si la mungkin iabaiken. Dunia materi gundari enda sifatna kentsik nge, saja ngenca terkait ras dunia materi, nterem manusia ermasalah guna mereken duit ntah ertana man Tuhan ras sapih-sapih manusia. Buen gundari jelma engkeriken ertana guna hiburan ras kenikamaten doni. Pengogenta sendah, ngerana kerna kerangapen nandangi erta ras kebayaken ras Jesus mindo segelah lit sikap si benar nandangi kebayaken gelah ula merangap. Merangap e me sumbul kerina kejahatan (1 Tim. 6:10), erkiteken banci mpeturah segat ate, cimberu, kesirangen, erimbang, nginget salah mbarenda, nangko, bagepe munuh. Merangap, erbansa manusia lanai bebas ertoto man Tuhan. Sabap banci si idah maka kerangapen eme bagin arah kegeluhen doni si materialistis. Sibahayana manusia si materialistis lanai ngasup ngidah sapih-sapih ia manusia erkiteken ngukuri kepentingan diri jine. Kerangapen eme karakter si itulak i bas pengajaren Jesus. Si enda encidahkensa, maka Jesus mpersingeti tep-tep kalak arah pemindon sekalak jelma. Ia mindo gelah ndatken sada bagin i bas erta tading-tadingen arah seninana. Labo lit motivasi si jelas i je, ntahsa ia nggo itebu seninana kerna erta tading-tadingen ntahsa ia ndarami erta guna dirina jine. Enda sada pemindon si masuk akal. Ia la mindo kerinana erta tading-tadingen tapi sebagin saja ngenca. Tapi Jesus nulak kerna pemindonna e sabap labo dahin Jesus si ngerunggui pembagin erta tading-tadingen. Kerangapen eme sikap medoni si megati lit i bas kerina manusia. Kerangapen si iumpamakan Jesus eme kerangapen kerna erta-erta doni si iterapken i bas dirina saja ngenca alu la ngukuri kerna kegeluhen si nandangi reh. Kerangapen nandangi doni erbansa manusia si ndalankensa ndabuh ku bas kematen, erkiteken manusia arusna bayak iadepen Dibata labo bayak guna dirina jine (bnd. Luk. 12:20-21).z